

郭  
大  
理  
遺  
稿

魏笛生觀察與吾

師郭蘭石先生為己巳同譜師

歿後笛生卹其孤已復求師所作

詩古文裒為集梓以行世以杰辱

師門下知師悉宜為一言謹按

師英年掇巍科由史職歷清要終

大理卿中間奉

命典試者四督學者一壬辰由四川  
學使歸年四十有八耳鬚盡白

上諭以尔年老故亟用尔 師具奏  
年歲如狀時一歲三遷懋膺

天眷行且大用而 師竟以是年歸  
道山 師人品高潔書法精妙顏  
筋柳骨散落人間識與不識咸拱

辟箴之平生務為有用之學尤

長於經濟杰故為癸酉所取士通籍

後同官京華 師期待甚厚迨杰

轉臺諫燕接時輒縱談天下時務

及古今成敗治亂之迹靡不洞達精

當其為文根柢史漢而宗主昌黎

故博而不煩廉而不剝詩律由南

宋直逼唐賢多清曠高朗綿邈  
溫純之致顧所作不自矜惜一藝成  
輒為人取去不復自留草今集中  
所存不及十之一則皆苗生搜已輯  
遺之所致也夫以師著作十一之存  
所造已如是使得享大年躋台鉉  
勲名事業必能卓然振於時以

抒其素所蓄積如古所稱韓范者  
豈僅以文章傳即文章又豈僅此哉

杰自服官京國師友間情誼真摯

每琴尊會晤講藝論事竟日夕不  
倦今吾師歿十餘稔笛生久賦遂  
初予亦解組歸田日月幾何如風  
馳雲散回瀚春明聚霞尊酒論

文逸不可得猶幸此一編者在俾  
世之論師者藉以考其志業并  
以見吾師与友渊源之合則我笛  
生風義之敦摯弗可及也

道光二十五年乙巳八月既望

受業都勻陶廷杰謹序

郭大理遺稿序

烏虜林乃今得以序我蘭石遺稿矣蘭石文名溢天下書名耀海外匪特朝右知之

聖主亦知之其任四川學政時一歲五遷隆隆嚮用假使天子之年其設施何如其造詣又何如吾不得而知之也乃年甫四十有九而歿歿之日求其詩文全稿而不可得卽其門人之親炙者拾其殘編斷楮亦不過三四十首不能成集蓋其生平作文率不存稿卽有零星紙片亦拉雜摧燒之余每見其法帖背葉多爲人作諛墓文及應酬壽序稿其家用帳目凌



雜米鹽亦夾書其間久亦初不省記也其詩益不多  
作作亦散棄獨吾閩楊雪棊方伯喜其詩每索其書  
必令錄其近作是以所存獨多聞余輯其遺稿錄寄  
一冊余復爲增補然不盈二冊也道光己亥余自潞  
垣請退養疴海陵適其門人成蘭生方伯開藩江左  
彼此札商欲編定蘭石詩文付梓時梁芷鄰中丞自  
粵西遷撫吳中蘭生擬就正芷翁冀有所增再爲彙  
刻詎芷翁抵蘇未久旋即移疾歸閩蘭生亦積勞邁  
疾不起此稿棄置篋中遂無人過問矣烏虜蘭石與  
余同鄉同譜又同官京師同居者二載比鄰而居者

三載其家瑣屑余無不知之是以掇拾其稿視他人較備蘭石爲余作五十壽文其年尙壯迨視學蜀中又爲余作六十壽序讀其所述年未五十已皤然一翁矣記同寓時酒酣耳熱嘗捋余鬚嗔目曰當爲卿作佳傳余卽應之曰喏幸甚第視林能否消受果爾當爲君儲三百斛米作潤筆耳烏虜一時戲謔之言恍如夢寐孰知天不憖遺我友奪我

國家楨榦之材而留此樗散擁腫之木於江海之濱乃爲故人掇拾遺文存什一於千百迨將付梓又爲造物所撓烏虜蘭石文名溢天下而使天下無可錄

郭大理遺稿

序

二

其詞章書名耀海外而使海外莫可窺其著作才耶  
命耶時耶後世誰相知收其文者耶吾乃今得以敘  
我蘭石遺稿矣道光二十三年歲在癸卯長至後一  
日蘭懷老人魏茂林笛生

刻郭大理遺稿跋

林撰蘭石遺稿序畢意耿耿未釋因思篋中所輯詩文雖僅止百餘首然卽是亦可窺其崖略散佚之稿何時能集築室道謀無益也廼先輯其詩二卷散體文二卷繕授付梓繼復選其駢體文二卷題跋一卷補遺一卷陸續付鈔適蘭石門人陶蓮生方伯聞林刊其遺集以所錄稿見示內有林所未見者四竝爲刊入復書致蓮生撰序一首以補林前序所未及計開雕於甲辰春至乙巳冬而竣書此以志歲月龍巖魏茂林跋於海陵大東橋廡之有不爲齋時年七十

有四

郭大理遺稿

總目

卷一

詩一

卷二

詩二

卷三

文一

卷四

文二

卷五

文三

卷六

文四

卷七

文五

卷八

文六

補遺

郭大理遺稿總目

卷一

詩一

雪菜比部秋窗滌筆圖 五古

李鳳岡先生於西山自關壽藏邀同人往遊酒

後索詩率賦 五古

明妃出塞圖 七古

題顧學士所畫唐梅 七古

賴烈婦詞 七古

書徐竹洲遊山詩後二首 以下五言律

阻風泊竹崎

郭大理遺稿總目



次日風大利舟觸岸幾碎

青楓嶺

梨嶺

艮岳遺石

題楊雪菜比部金陵策蹇圖時余將有蜀中之

行二首

光武廟二首

題魏笛生水繪園讀書圖二首

皇覺寺

題鄭少谷先生詩翰輒效其體四首

題黃石齋先生畫松

卷二 詩二

徐州懷古 以下七言律

樟樹鎮王文成誓師處二首

題梅村集

拂水山莊

白雲菴二首

與陳春溟大令飲小園

爲甘滋蒼明經題陳秋坪郡丞詩翰

書黃仲則詩後卽效其體二首

己卯十一月六日雪後臨淮書壁感慨繫之二  
首

苻離二首

銷寒雜詠賦得土炕

江妃村

送李蘭卿太守之官思恩四首

關山月二首

館課題擬作

題畫二首

以下七言絕

暮春雜詩七首

李蘭屏竹林待酒圖四首

卽事絕句

宋人湖山小幅

磁州道中

題笛生同年珠江送別圖四首

外集詩附

洞庭張樂

以下同館試律詩續鈔

劍宣其利

披雲看霄

一簾秋雨夢吳淞

寒梅着花未

求味兼采

雪影透書帷

自鋤明月種梅花

天驥呈才

林深窗戶綠

八音克諧以下盍孟晉室詩課

四時爲柄

心正筆正

明月照積雪

鳥窺新卷簾

人情以爲田

黃金鑄范蠡

雲興四岳

卷三

文一

原愚

斫竹記

讀馬洲鄭氏家譜書後

龍巖魏氏族譜序

查九峯家居自述跋

鄭少谷先生詩序

代

文學李君七十壽序

代

李省園先生七十壽序

魏笛生同年六十壽序

翁平山先生六十壽序

劉實齋先生五十雙壽序

程母余太宜人八十壽序

代

戚母蔣太恭人七十壽序

葉母曾太宜人六十壽序

代

葉母曾太宜人六十壽序

代

卷四

文二

果軒府君家傳

畚田鄭君家傳

靜軒宗君家傳

書劉樸齋傳後

修田彭公神道碑

龔梅巖刺史墓志銘

香墅曾君墓志銘

晴嵐劉君墓志銘

硯雲李君墓志銘

田鑑川處士墓志銘



陳魯齋先生墓志銘

巫母江恭人墓志銘

卷五 文三

思無邪齋自箴

鄭雲麓小天荆庭快聚圖記

汪子芸詩序

浣月齋印譜序

封荻塘集印序

陳秋河時文序

送趙象菴舍人歸里小序

王春甫師八十壽序

英煦齋師五十壽序

少司空白小山師六十壽序

廖陸峯先生七十壽序

林陽谷太翁七十壽序

蔚亭鄭先生六十壽序

卷六 文四

那繹堂先生六十壽序 代

菘圃大司馬七十壽序 代

許提君七十壽序 代

王石臞先生八十壽序

代

穆鶴舫尚書太翁八十壽序

代

卞母陳太夫人七十壽序

李母陳太夫人七十壽序

許母林太恭人七十壽序

代

陳健齋先生家傳

書鄧貞女事

祭李硯雲先生文

代

祭徐淞颿都轉文

代

祭余母黃太安人文

祭蒲陽義冢文

卷七 文五

十七帖識語 二十一則

唐房梁公碑識語 十一則

書舊搨圭峯碑後

書魏子元所藏唐幽州昭仁寺碑後

書滋蕙堂墨刻顏魯公送劉太沖敘後

書滋蕙堂墨刻唐人書大般若波羅密多經後

書顏魯公祭季明文後

書蘇靈芝鐵像碑後

書文衡山列仙傳小楷後

書傅青主行書墨蹟後

書顧南雅先生楷書大學孝經第七十六本後

書徐淞橋臨王敬客磚塔銘後

摹蘇玉局畫蘭小幅識語

秋碧堂石刻顏平原書識語

四則

秋碧堂石刻趙松雪書識語

三則

題楊忠愍公墨蹟後

題左忠毅公墨蹟後

書王肯堂筆塵四卷後

書余澹心東山談苑八卷後

書吳修齡圍爐詩話六卷後

書黃岡王行甫耳談十五卷後

卷八

文六 補遺

貴州鄉試錄序

雲南鄉試錄序

廣東鄉試錄後序

山東鄉試錄序

張偉菴處士家傳

陳擁書先生墓志銘

代

鮑樹堂先生五十壽序 代

莫寶齋副憲五十壽序 代

謝芝田先生六十雙壽

魏笛生比部五十壽序 代

玉山吳翁六十壽序

祭廖永亭觀祭文 代

祭查海漚文 代

郭大理遺稿

識語

一蘭石所撰文稿每本不過五六首或七八首卽  
爲人假去別立稿本積至三五首復爲人攜去  
有還者有不還者有別鈔一稿送還而存其手  
書之稿者竝有脫稿後卽爲人將去未經存稿  
或將原稿給人而令僉人贍一底本舛錯遺漏  
至不可讀者茲集所錄據原稿者十之二據鈔  
寫者十之五據同好錄寄者十之三其可校正  
者正之疑者仍闕以待補



一蘭石賦不多作僅詩牌賦浩罕入貢賦二首又皆借刻他氏賦得詩自館課外所存亦寥寥無幾故無外集可歸茲就林所見者錄附詩二卷後凡五言八韻詩一十八首餘俟續補

一蘭石所撰墓志銘多假他人官銜姓氏實則撰與書皆出一手集中漏采尙多俟後續補

一蘭石派充本衙門撰文竝與修明鑑所擬孝宗武宗按語曾經採用以係官書未敢載入本集一蘭石典試四次鄉試錄前後序林僅錄得其三尙闕壬辰山東鄉試錄前序徧覓未得因以前

所錄三首編入補遺以俟續登刊將竣甫由在京友好輾轉向部中鈔出見寄亟爲登入俾閱者得窺全豹書以志幸

一蘭石視學蜀中所有觀風案臨各示頗爲人所傳誦還朝後未見示及是否尙有存稿俟後補入

一蘭石幼負盛名林識蘭石在丁卯鄉試榜前時同年陳雲章秋河歲科試四次皆列第一爲興化閭郡諸生之冠顧獨推服蘭石自謂不如是其未上公車以前詩文必有可觀未稔其家有

無收錄俟後再補

一蘭石題跋最多皆隨手散去林祇就架上所有者錄之海內士大夫收藏篋笥者尙不知凡幾除蘭石門人外若山右溫雲心比部粵東黃琴山侍御江右汪巽泉尙書吾閩梁芷鄰中丞李蘭卿都轉皆在都時常相往來賞奇析疑無間晨夕其於舊書古帖名公書畫類多加墨通峭雋拔得未曾有使有好事者徧爲搜訪綴輯成書以續董容臺畫禪室隨筆亦快事也林年雖耄猶當拭目俟之

郭大理遺稿卷一

詩一 目錄

雪菜比部秋窗滌筆圖 五古

李鳳岡先生於西山自關壽藏邀同人往遊酒

後索詩率賦 五古

明妃出塞圖 七古

題顧學士所畫唐梅 七古

賴烈婦詞 七古

書徐竹洲遊山詩後二首 以下五言律

阻風泊竹崎

次日風大利舟觸岸幾碎

青楓嶺

梨嶺

艮岳遺石

題楊雪某比部金陵策蹇圖時余將有蜀中之

行二首

光武廟二首

題魏笛生水繪園讀書圖二首

皇覺寺

題鄭少谷先生詩翰輒效其體四首

題黃石齋先生畫松

郭大理遺稿卷一

詩一

雪某比部秋窗滌筆圖

瀟灑三間屋婆娑一行柳誰歟滌筆者其人頎不黜  
君筆固無塵冰甌滌已久云何三沐薰矜寵龍鬚友  
君言壯士劍摩挲豈釋手劍不敵萬人此筆便須守  
不滌鋒易摧毛穎肯任咎卽此悟養生一漑足增壽  
不滌墨易滯滯乃墨猪醜卽此悟治心灑濯畏藏垢  
麻觀古人筆奇正各不朽蘭菊秀一時何復知鹿韭  
是有君形者蒙金愧土偶西江習掘筆北地享做帚

安得海一泓盡澣塵三斗花自夢中生筆亦夢中有  
昌化與佩阿吾言爲然否擲筆起一笑秋光炯戶牖  
李鳳岡先生於西山自開壽藏邀同人往遊酒

後索詩率賦

種松得夏涼種花及春媚歸藏待此間行樂亦此地  
紛紛形家言馳辯若交諍豈知未生前天公早位置  
先生餐霞人烏巖久養智哦詩政事堂題名慈恩寺  
爽鳩三尺平朱鳥一麾涖遂初賦旣裁婚嫁願得遂  
平生萬事足所餘上壑志朝爽來西山愛山一塵寄  
尋山每孤往山靈貺神祕遊玩斯邱樂居可此室闕



便鑿趙岐墳匪傍要離燧馬鬣縮寸圖蠅頭綴小記  
披圖讀記餘灑然見高致宇宙會有窮生死真大事  
所以不朽三早爲身後備春暮花盛開人生貴適意  
未盡百年身且謀千日醉醉吟韻松風醉眼收山翠  
春山忽如笑笑翁善遊戲長作山主人壽康復昌熾

明妃出塞圖

焉耆山色如口脂呼韓邪迎大闕支闕支上殿君王  
悔非信何以懷四夷細君馬上琵琶曲渾不似聲共  
刺促聞說君王斬畫師攄忿銜恩死亦足馬死有骨  
豹有皮青青豕草行人悲何限如花畫中女姓名埋

沒誰復知

題顧南雅學士所畫黑龍潭唐梅

余丙子使滇與望坡吳羹二前輩同遊近華  
浦酒間談黑龍潭唐梅之奇以就道匆匆未  
及往觀也展畫讀詩追念舊遊如昨日事而  
寒暑十二易矣走筆賦此

我昔泛舟近南浦望坡尙書時開府吳羹學士前身  
梅爲說唐梅劇奇古我來不值梅著花但烹綠醕酬  
山茶匆匆別去意復悔恨未一觀枝槎朽魯靈光殿  
巋然在氣壓吳中香雪海碧雞金馬信有神護惜古

香慰眞宰學士作畫如譜琴蕭蕭萬籟涵虛深尚書  
鑿畫如論人要見鐵石廣平心此花閱人不知紀許  
寫此花人有幾對畫思花心茫茫拂座風來冷如水

賴烈婦詞

烈婦汀州人適同邑張某張病甚婦以夫命  
及已命問巫巫言夫死婦再適烈婦曰再適  
亦命爲之乎夫死婦自縊

吁嗟乎命無如何死而已烈婦知命乃知死烈婦灼  
灼矐穠李張郎昂昂馳驟耳秦女樓頭鳳並倚賈生  
坐隅鵬忽止有巫定命驗莫比言夫岱宗已治鬼言

婦乃有二天矣婦聞竈齷嚼玉齒世間異事竟有此  
今歲在辰明歲已天降玉棺夫不起嗚呼冤禽恨海  
水三尺紅羅淚光紫泉下相持互悲喜吁嗟乎泰山  
鴻毛爭尺咫千載不視一瞑耳三日不汗能生否不  
幸期頤誤者幾吁嗟乎烈婦一女子

書徐竹洲遊山詩後二首

風雨菊花休登高尙壯游蕭晨宜作賦老筆易悲秋  
烏帽塵將滿青鞋願未酬逸然天際意鴻雁稻梁謀  
看鏡鬢將皤飄零老奈何風塵名士賤感慨古人多  
永叔秋聲賦子瞻春夢婆與君聊作達對酒果當歌

阻風泊竹崎

安得凌風翼來牽上水舟潮難馳白馬山似望黃牛  
屋俯沙痕淨溪兼竹影流想緣詩料好天遣小勾留  
次日風大利舟觸岸幾碎

使馬未爲健風來真擲梭舟輕上瀨易窗小閱山多  
遲速乘除計安危頃刻過長年須慎重鐵綽漫酣歌  
青楓嶺

斧劈一峯尊羣峯萬馬屯梯田隨澗轉水碓隔雲喧  
開道夸蛾子致人散翼孫登高吾未慣遲步憶家園  
梨嶺

畏壘謀尸祝羅池譜送迎廟崇前刺史龕共古先生  
魂魄桐鄉戀詩編梨岳名成神循吏易俯仰不勝情  
良岳遺石

盤固封如昨誰人拜故侯多應儕礫具幸未沒河流  
瓦礫仍梁苑風塵又蔡州何當石能語一問五更頭  
題楊雪某比部金陵策蹇圖時余將有蜀中之

行二首

鐵甕城如故六朝安在哉煙花千古夢風雪一鞭來  
虎踞論雄略驪探付俊才長江流浩浩恰對壯懷開  
金陵西北望巴蜀大江源我豈能詩者騎驢入劍門

岷峨眞畫展李杜舊居存安得凌風翼招君共一尊  
光武廟二首

白水起眞人詞流漫美新威稜銅馬帝符瑞碧雞神  
湯沐魂應戀蒸嘗跡已陳壁間諸將畫猶似動星辰  
萌庶猶思漢中興豈偶然仍提三尺劍便復五銖錢  
他日樓桑社非無夏杼賢妖星照地赤火井竟無煙  
題魏笛生同年水繪園讀書圖二首

積卷崔嵬室林深老屋幽二分明月地十載少年遊  
鵬運風初厚鴻飛雪尙畱朱陳兩檢討可許占千秋  
當日賓朋盛春聲落雉臯花同金谷滿人比玉山豪

陳迹風輪轉初禪法界高因君談舊事懷古首頻搔

皇覺寺

皇覺傳衣鉢傳疑竟到今風霆新主今天日故臣心  
悔豈鋤吳楚時無燼灌鄴江城如鐵甕何處鬼門尋  
題鄭少谷先生詩翰輒效其體四首

時又逢天寶浣花生替人批鱗敢諫士鍛翻苦吟身  
揮灑驚風雨護持勞鬼神赫蹠如許壽未假勒貞珉  
上將爲尊號鑿輿久按邊詩多小雅怨魂在大招篇  
宏治思如昨中原亂幾年遲清亭下過古木尙啼鶉  
十子扶風雅三唐此繼聲爭先珠入握孤詣璧連城



何意研書勢居然擅筆精始知心畫肖爛漫是真評  
元老分陰惜等身常擁書園尋桑苧舊字得蝨蟬餘  
虹月中宵見雲煙極望舒明良千載遇懷古意何如  
題黃石齋先生畫松

貞直翻疑佞孤根獨鬱蟠飄搖大厦失撐拄小朝難  
柯葉終無改冰霜任自寒披圖風颯颯莫共偃松看

郭大理遺稿卷一終

郭大理遺稿卷二

詩二目錄

徐州懷古 以下七言律

樟樹鎮王文成誓師處二首

題梅村集

拂水山莊

白雲菴二首

與陳春溟大令飲小園

爲甘滋蒼明經題陳秋坪郡丞詩翰

書黃仲則詩後卽效其體二首

己卯十一月六日雪後臨淮書壁感慨繫之二

首

苻離二首

銷寒雜詠賦得土炕

江妃村

送李蘭卿太守之官思恩四首

關山月二首

館課題擬作

題畫二首

以下七言絕

暮春雜詩七首

李蘭屏竹林待酒圖四首

卽事絕句

宋人湖山小幅

磁州道中

題笛生同年珠江送別圖四首

外集詩附

洞庭張樂

以下同館試律詩續鈔

劔宣其利

披雲看霄

一簾秋雨夢吳淞

寒梅着花未

求味兼采

雪影透書帷

自鋤明月種梅花

天驥呈才

林深窗戶綠

八音克諧

以下盍孟晉室詩課

四時爲柄

心正筆正

明月照積雪

鳥窺新卷簾

人情以爲田

黃金鑄范蠡

雲興四岳

郭大理遺稿卷二

詩二

徐州懷古

暗鳴聲裏淚紛紛四面歌來那可聞  
絕唱仍邀佳麗和殘軀聊贈故交分  
霸圖悵望關中月王氣蒼茫灞上雲  
知己祇應蕭茂挺卞山祠下醉斜曛

樟樹鎮王文成誓師處二首

靖難師興轉眼平敢勞威武更專征  
指麾守令爭馳敵浩蕩江湖已洗兵  
功狀何曾希側注謗書猶欲壞長城  
汾陽比並真非忝能使朝恩感至誠

陪京咫尺易乘虛老溷當年計未疏不料牙旗方躡  
後乍揮羽扇遠禽渠平生得力龍場謫多事爭端鹿  
洞書畢竟良知是何色但論經濟古誰如

題梅村集

淮王雞犬尙人間私願巢由便買山親在難偕阜帽  
隱恩深未放白衣還絳雲傳刻幾同燼蒼雪游蹤不  
可攀碣署詩人增悵惘誰教詞賦動江關

拂水山莊

降表修成看陸沉仍希清望附東林名山悵望中州  
集歧路徘徊上堵吟天火不容畱宛委佛燈猶冀懺



威音青青轉歎章臺柳  
擘石研丹見素心

白雲菴二首

鐵馬橫江畫角哀  
金川門外燕飛來  
周公竟已移神器  
舍利何曾委却灰  
傳信傳疑遜國記  
一成一旅出羣才  
可憐老佛東還後  
邊徼淒涼禮斗臺

兩板禪扉掩古松  
苾芻猶解說潛龍  
如聞供養煩神鬼  
總爲寬仁勝祖宗  
志士倉皇湛十族  
新王輾轉訪三丰  
那知細柳新蒲句  
寫在涼雲一萬重

與陳春溟大令飲小園

龍禁芳時煙雨多  
今我不樂夫如何  
園蔬連夜長紅

甲庭樹得春舒碧柯玉版禪師善說法金衣公子欣  
聞歌百年三萬六千日幾日與君同醉醅

爲甘滋蒼明經題陳秋坪郡丞詩翰

水曲雲凹敞絳帷鄭虔三絕畫書詩卽看秋蚓游絲  
體想見春蠶食葉時宦海蒼茫鴻印爪名山珍重豹  
留皮一生一死交情見掩卷籠燈有所思

書黃仲則詩後卽效其體二首

駱丞詞筆未登科長爪通眉顙頰多錦瑟春心迷斷  
夢銅笳霽吹入悲歌才難爲用應緣傲詩到能窮始  
不磨幾許宰官圖作佛圓成竟讓病維摩

雲鵬倦眼幾曾開身後公卿恰愛才客久敢希孺子  
榻債多難下赧王臺千秋茫昧名安用八口飄零死  
更哀我向吳山誦長句詩魂似駕浙潮來

己卯十一月六日雪夜臨淮書壁感慨繫之二

首

大水西來浪捲沙臨淮無復舊繁華岡頭綿蕪人如  
雁橋外團瓢竈有蛙頽岸幾時堅竹落新波轉眼下  
桃花諸公袞袞河成後願爲黔黎計室家

郵亭投止晚匆匆猶記疎櫺八面通一宿僧非戀桑  
下再來人欲喚蘆中天容黯淡鵝毛雪世事蒼茫馬

耳風指點埋沙老楊柳分明曾汝繫花驄

苻離二首

雍隴年前失上游苻離重蹈富平羞五千甲楯三靈倚冊萬旌旗一鼓休將帥和難如李郭相公勳只在苗劉武鄉韜略成何濟可惜頭顱忠繆侯

小朝金幣日輪燕待旦枕戈志亦賢泚水倉皇誰折屐江流清淺易投鞭東都已判銅駝沒西望應多鍊象憐賴有佳兒作佳傳真教青史費周旋

銷寒雜詠賦得土炕

土鏗微烘便覺春御冬渾不藉重茵談非踞竈言先

暖詩到燒氈料更新攬鏡休疑寒徹骨披衾竟夢熱  
通身銷金帳下羊羔酒可念蕉窗臥雪人

江妃村

曾傳戚里此江干遺事開天已渺漫賦買千金心不  
轉珠擎一斛淚空彈秋風團扇班姬怨夜雨淋鈴蜀  
道難猶勝倉皇端正樹一鈎羅襪與人看

送李蘭卿太守之官思恩四首

雒陽年少

聖人知入奉

綸言出擁麾元白詞華畱

郭大理遺稿

卷二

詩二

四

禁闈龔黃才略試邊垂炎陬風物虞衡志蠻峒謠歌  
樂職詩來返板輿爭作禮華鬢壽相正蹇帷

時奉太夫人

任之

風煙莽莽樹干霄似有鴻濛氣未銷但使文翁開禮  
殿便應邕管慕圓橋夷封信誓黃龍舊屬國驕糜白  
雉遙景武山前耕耨滿幽圖好倩馬和描

巖壑清幽數桂林傳聞西上更雄深山排翠浪馳銅  
柱路轉青泥矗玉簪妙畫每懸天際想奇書譬向夢  
中尋前人未占千秋去郡閣蕭閒足朗吟

再世論交仰紀羣同聲況有伯吹埴

蘭屏太史

中年哀樂

誰知我行路擲掄又送君遊迹迷離指鴻雪心期珍  
重誓龍雲東坡生日年年酒一樣相思兩地分

每年蘭卿

爲東坡作生  
日僕皆沾醉

關山月二首

限離憂二字

館課題擬作

又是邊亭木脫時天山高挂月如規銀河一綫秋光  
隔玉塞千重夢境知羌笛無端生怨調穹廬何處說  
歸期前身許下長圓願偏向人間照別離

月滿榆關戍火收燕支已奪不須憂生憐畫棟雙棲  
燕自捲晶簾百尺樓點點山河涵大地蕭蕭風露逼  
中秋如聞鏡聽多佳語負眊征人拜列侯

題畫二首

八月洞庭湖水消君山左右移輕燒一丸曉月大於  
盜遠近蘆花何處簫

柴門鱗次逐江開江上涼風亦快哉最好環堤萬楊  
柳蕉衫蒲扇聽蟬來

暮春雜詩七首

困人天氣病厭厭紅友來時待黑甜丈室卻嫌煙篆  
滿商量明日卸瓊簾

時時行藥步迴廊亞字闌邊草盡芳未信隣家春更  
好卻看雙蝶過東牆



賣畫牙郎午款扉千圖周昉總環肥是誰貌取前身

我黃面僧穿壞色衣

收得醉僧圖

排愁無計事兒嬉背地憑人笑白癡貪看晴絲樓角  
卷海紅花底立多時

重三禊事盛花汀又爲噤寒誤踏青睡起自添棉半  
臂禿毫生紙寫蘭亭

欄角尖斜月一痕最無聊賴又黃昏瓶笙如雨童鼯  
睡燕子未歸遲掩門

來朝朋伴約郊行但祝輕陰未要晴楊柳疎疎挂金  
縷王翬畫裏過清明

題李蘭屏竹林待酒圖四首

萬竿蒼玉儼分排，餘地從他長碧苔。  
料得此中人不俗，何妨一問主人來。

冒雨山家買酒難，奚奴瑟縮定驚寒。  
要知隔竹敲茶臼，豈似提壺畫裏看。

蝸居偏側滿塵埃，讀畫能教倦眼開。  
便使石田工募竹，仍愁無地起樓臺。

年來薄酒亦難賒，選勝聊驅下澤車。  
領略倪迂畫中意，興誠寺閣望蒹葭。

卽事絕句

窅地蒼苔鳥不譁  
新糊窗紙白於紗  
攜琴明日好來  
到末麗花前嘗芥茶

宋人湖山小幅

玲瓏樓閣與雲浮  
畫手依稀辨李劉  
割取上河圖一角  
六朝金粉又杭州

磁州道中

小渠曲曲引潭流  
拂面風來似欲秋  
我不能詩真愧  
負荷花十里過磁州

題笛生同年珠江送別圖四首

圖爲笛生戊寅校士粵東吳蘭

雪舍人屬黃

山會卷四

郭大理遺稿

卷二 詩二

七

流水高山幾賞音  
臨歧重譜伯牙琴  
海珠寺下羣流  
合比似桃潭百倍深

送君欲返更依依  
目極輕帆去若飛  
豈第舟無鬱林  
石端州片石未攜歸

香火情多豈偶然  
信知文字有因緣  
盧師夜半傳衣  
鉢過嶺仍教做法筵

君門下士翁二銘  
宮允繼來視學

愧來勝地不能詩  
八載鴻泥有所思  
把酒船窗酌明  
月小畱花地候潮時

余己卯使粵同  
志餞於花地

附外集詩一十八首

洞庭張樂

以下同館試律詩續鈔

軒帝乘龍下煙波滿洞庭  
元音宣太古盛樂聚羣靈  
風水齊繁會笙歌合杳冥  
叩商應葉脫入破有雲停  
雷鼓平流振霓裳上界聽  
江濤秋後白衡嶽曲中青  
滄海琴心寄鈞天夢境醒  
君山高處立餘響尙泠泠

劍宣其利

赤帝提三尺風塵聚衆賢  
金刀名早應寶劍利爭宣  
士行銅甯變臣心鐵比堅  
一揮皆白首百鍊此紅蓮  
鋒銳新抽水芒寒欲倚天  
斷虵虹影掣逐鹿血花鮮  
擊柱餘豪氣剗犀憶壯年  
嗚他大羽箭唐代畫凌煙

披雲看霄

顛碣知何際，琅霄本太清。憑將白眼看，無奈碧雲橫。  
日腳徐穿漏，風頭乍重輕。兜羅消沈廓，海鏡現虛明。  
詆蕩三千界，空濛十二城。雙瞳秋水翦，一角夕陽晴。  
窺管啜宣夜，連珠愛士衡。小言堪喻大。

睿鑒自惟精

一簾秋雨夢吳淞

果是吳淞景，飛行快勝遊。瀟瀟簾外雨，杳杳夢中秋。  
髣髴簷花落，徘徊篔簹竹。幽鈴聲驚蜀道鐘，響過蘇州  
楓冷頻年憶，蕤香此願酬。黃梁塵界幻，白水大江流。  
蝴蝶遲仙馭，蝦蟆逼曉籌。蕉窗敲滴瀝，猶似箬蓬舟。

寒梅着花未

記與梅花別關山夢到難歲華真冉冉芳訊又珊珊  
最憶黃昏影斜依赤玉欄月連前渡滿雪釀隔年寒  
一笑巡簷索誰人帶醉看鶴今憐獨自竹擬報平安  
或者春猶小思之夜未闌天涯消息遠逕欲策歸鞍  
求味兼采

春滿開香國蜂忙趁豔年薰蕕原不雜採擷自無偏  
日暖分衙地風暄割蜜天荃蘭尋澤畔桃李憶門前  
得味酸鹹外關心醞釀先馱花雙翅重聚露一窠鮮  
譜是羣芳合方憑百和傳從知罕譬切

雪影透書帷

汲古帷長下間庭雪向闌微明將夜半浮影上簾端  
斗室徐生白鉛篇漸映丹薄真憐魯縞潔欲鬪齊紈  
月憶前宵滿燈知此會寒可應三尺積憑隔一層看  
禁體詩誰和空描畫亦難孫康遺意在檢取素書攤  
自鋤明月種梅花

花影黃昏裏攜鋤獨自來前身原是月今夕又尋梅  
信意惟鑿柄當頭但鏡臺有光皆白雪無處見青苔  
修到塵根盡移從色界栽金波隨手碎玉照幾時開



宛轉冰輪映商量紙帳裁羅浮清興愜香夢尙徘徊

天驥呈才

赤帝求神駿烏孫貢軼材馬真鍾月秀天遣籥雲來  
幾度蒲梢出何年苜蓿栽北風思雁磧東道看龍媒  
秋御鳴鑿聽春衢急轡催禁門留舊式樂府待新裁  
自具千金骨原非百里才

聖朝方籲俊盛事邁燕臺

林深窗戶綠

構屋原因樹周遭綠滿林紙窗煙漠漠玉戶晝沉沉  
翠幄籠春暮筠簾寫午陰闌應青瑣隔網訝碧紗侵

草色遙堪挹蕉文隱欲尋室宜虛白暎天是蔚藍深  
緝柳書教讀編蒲字細臨更思苔砌上涼蔭好眠琴

八音克諧

以下孟晉室詩課

典樂咨夔重論倫貴不乖欲鳴千載盛要使八音諧  
塤祝笙匏間鼗鏞虞笱排貫珠餘響繞擊石衆聲偕  
琯契神靈獻琴傳解阜懷歌雲瞻紉縵儀鳳叶嚙啣  
定識風從律長看羽舞階誠和欽

帝治功敘被無涯

四時爲柄

四序循環布平均柄獨持珠杓同運斗玉燭用調時

出震還成艮操衡更執規候惟吹琯應令擬播琴宜  
紀烏羣臣馭乘龍六氣施化工真在手幹運自無爲  
契本昭天咫提應徧地釐撫辰欽

帝治庶績慶咸熙

心正筆正

執筆期於正誠懸獻素忱漫誇新樣腳須識古賢心  
邪曲丹臺屏矜持墨沿臨惺惺常惕念茂茂宛觀箴  
盤水神能定錐沙力自深見牆知坼壁畫被恐慚衾  
但解書當敬何勞帖徧尋

奎文瞻

錫福

聖學萬方欽

明月照積雪

好月來相照，閑庭雪向晴。  
望中三尺積，分外一輪明。  
世界冰壺貯，天容水鏡清。  
樓臺涵晃耀，竹柏暈縱橫。  
悟比紅爐點，光從白地生。  
頓收銀海眩，長憶玉山行。  
畫手空描肖，詩心禁體賡。  
何須矜故實，妙契問鍾鑿。

鳥窺新卷簾

珠箔深深下，簷前鳥暗窺。  
殷勤巢閣意，盼望上鉤時。  
欲共飛花撲，生憎密篠垂。  
不關風與便，竟見霧全披。

宿鷺驚何待，遷鶯喜可知。  
梁還覘玳瑁，窗任隔玻璃。  
舊迹曾鳴桁，新來幸借枝。  
主人恩正重，莫怨捲簾遲。  
人情以爲田

皇路敷平蕩，人情化黨偏。  
豈容思越畔，可喻作稽田。  
疆界陳常後，菑畲力穡先。  
幽風葵菽樂，郇雨黍苗鮮。  
扈使農無逸，禾如性本然。  
畢箕同衆好，薦藜望豐年。  
惠協三推外，功兼百穫全。  
依關

睿念擊壤徧垓埏

黃金鑄范蠡

一舸鴟夷去，容輝邈莫尋。  
前盟空白水，遺像是黃金。

鐵馬倉皇日銅駝倚賴深於功應賜券何見竟抽簪  
想像三毫肖莊嚴七寶欽化身眞佛相躍冶本臣心  
作礪聞諸古藏弓恨至今江頭文種廟風雨送潮音

雲興四岳

仰嶽情何極看雲思不禁崇朝興有滄計日待爲霖  
礎潤含晨氣嵐蒸變夕陰兜羅迷複岫潑墨畫高岑  
地與煙霄接天憐稷黍深漫懷棲壑志莫負出山心  
綠野膏應沛蒼生望至今具瞻歌節彼珍重問楊惓

郭大理遺稿卷二終